



4. juni. 2012

Saopćenje o izjavi predsjednika Srbije, Tomislava Nikolića, kojom negira genocid u Bosni i Hercegovini

Kongres Bošnjaka Sjeverne Amerike (KBSA), zajedno sa Institutom za Istraživanje Genocida u Kanadi, i Savjetodavnim Vijećem za Bosnu i Hercegovinu (ACBH), osuđuju nedavne izjave novog predsjednika Srbije i radikalnog desničara Tomislava Nikolića, kojim on otvoreno negira genocid koji se dogodio u Bosni i Hercegovini (BiH). Predsjednik Nikolić je saveznik bivšeg srbijanskog predsjednika i haškog optuženika Slobodana Miloševića, i nasljednik Vojislava Šešelja, bivšeg vođe četničkog pokreta u Srbiji koji trenutno zatvoren u Hagu za ratne zločine u Bosni i Hercegovini i Hrvatskoj. Nikolić je pobedio na predsjedničkim izborima u Srbiji uz obećanje da će riješiti ekonomske probleme u Srbiji i da neće promijeniti put Srbije za integracije u Europsku Uniju. Međutim, nesumnjivo je da njegovo negiranje genocida u Srebrenici i prozivanje Vukovara „srpskim gradom“ jasno definiše namjerenu politiku Nikolića prema BiH, Hrvatskoj, i EU.

Međunarodni kazneni sud za bivšu Jugoslaviju (ICTY) u Den Haagu i Međunarodni sud pravde (ICJ) su presudili da se dogodio genocid u Srebrenici, ali iu drugim dijelovima Bosne. Negiranje genocida u BiH i cinjenice da je Srbija izvršila agresiju protiv svojih susjeda neće dovesti do pomirenja i dugotrajnog mira u regiji. Navedene izjave predsjednika Srbije Nikolića su u skladu ciljane politike srbijanskog političkog i akademskog vodstva da prikriju istinu o ulozi Srbije tijekom Drugog svjetskog rata i njezine uloge u agresiji na Bosnu i Hercegovinu i Hrvatsku tokom 90ih. Srbija i dalje prikriva sistematski genocid koji su Srbi počinili nad nekoliko naroda, uključujući genocide nad Bošnjacima, Jevrejima, i Hrvatima te otvoreno odobravaju fašističku ideologiju koja je utjelovljena u u četničkom pokretu. Ovaj pokret je sastavljen od srpskih fašističkih i ultranacionalističkih vojnih organizacija koji su surađivali s nacistima protiv jugoslovenskih partizana i vodili genocidnu kampanju protiv nesrpskog stanovništva u Srbiji i Bosni i Hercegovini. Pod Mihajlovićevim zapovjedništvom, četnici su su počinili užasne ratne zločine i zločine protiv čovječnosti i nad bošnjačkim, hrvatskim, i jevrejskim civilima u Srbiji i Bosni i Hercegovini.

Izabrani politički put Srbije je upozorenje svim zemljama Zapada koje su izgrađene na principima demokracije i vladavine prava. Neće biti mira i pomirenja na Balkanu niti napretka ka boljoj budućnosti sve dok Srbija bezuslovno ne prihvati punu odgovornost za genocid i ratne zločine, i plati repatrijaciju za agresiju na BiH. Pozivamo vladu Bosne i Hercegovine da pošalje službenu opomenu vladi Srbije i suspendira sve diplomatske odnose sa Srbijom dok ne izdaju službeno izvinjenje bosnjačkom narodu.

Mr. Haris Alibašić

Predsjednik Kongresa Bošnjaka Sjeverne Amerike

Prof. Emir Ramić

Direktor Instituta za istraživanje genocida Kanada

Mr. Ajla Delkić

Izvršni Direktor, Americkog savjetodavnog vijeća za Bosnu i Hercegovinu